



Universitätsbibliothek Paderborn

**Ven. Viri Thomæ Malleoli A Kempis, Canonici Regvlaris
Ordinis D. Avgvstini. Opera Omnia**

Thomas <von Kempen>

Dvaci, 1625

De imitatione Christi, & contemptu omnium vanitatum mundi. Cap. I.

[urn:nbn:de:hbz:466:1-45790](#)

CAPUT I.

De imitatione Christi, & contemptu omnium vanitatum mundi

Isan. 8.

1. **Q**ui sequitur me, non ambulat in tenebris, dicit Dominus. Hæc sunt verba Christi, quibus admonemur, quatenus vitam eius & mores imitemur, si velimus veraciter illuminari, & ab omni cœxitate cordis liberari. Summum igitstudium nostrum sit, in vita Iesu Christi meditari.

2. Doctrina Christi omnes doctrinas Sanctorum præcellit & qui spiritum haberet, absconditum ibi manna inueniret. Se contingit, quod multi ex frequenti auditu Euangelij, parum desiderium sentiunt, quia spiritum Christi non habent. Qui enim vult plenè & sapidè Christi verba intelligere, oportet ut tam viram suam illi studeat conformare.

3. Quid prodest tibi alta de Trinitate disputare, si careas humanitate, unde displices Trinitati? Verè alta verba non faciunt sanctum & iustum, sed virtuosa vita efficit Deo charum. Opto magis sentire compunctionem, quam scire eius definitionem. Si scires tota Biblia exterius, & omnium Philosophorum dicta quid totum prodesset sine charitate Dei & gratia? Vanitas vanitatum & omnia vanitas, præter amare Deum, & illi soli seruum. Ista est summa sapientia, per contemptum mundi tendere ad regna cœlestia.

4. Vanitas igitur est, divitias perituras querere, & in illis sperare. Vanitas quoque est, honores ambire, & in altius statum iste extollere. Vanitas est, carnis desideria sequi; & illud desiderare, unde postmodum grauiter oportet puniri. Vanitas est, longam vitam optare, & de bona vita parvum curare. Vanitas est, presentem vitam soli attendere, & quæ futura sunt non prævidere. Vanitas est diligere, quod cum omni celeritate transit; & illic non festinare, ubi sempiternum gaudium manet.

5. Memento illius frequenter proverbij: quia non satiatitur oculus visus, nec auris impletur auditu. Stude ergo cor tuum ab amore visibilium abstrahere, & ad inuisibilias te transferre. Nam sequentes suam sensualitatem, maculant conscientiam, & perdunt Dei gratiam.

Ibidem.

CAPUT